



უმაღლესი საბჭოს უწყებები

№ 6 (39)

30 ოქტომბერი

1951 წ.

შინაარსი

საქართველოს სსრ უმაღლესი საბჭოს პრეზიდიუმის ბრძანებულებანი

62. ბრძანებულება თბილისის აბრეშუმის საქსოვი ფაბრიკისათვის ა. ე. თოფურაძის სახელის მიკუთვნების შესახებ.

63. ბრძანებულება საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოების არჩევნების ჩატარების წესის შესახებ ცალკეულ საარჩევნო ოლქებში, გასული დეპუტატების ნაცვლად.

64. ბრძანებულება საჩხერის რაიონის ზოგიერთი სასოფლო საბჭოს გადარქმევისა და ადმინისტრაციულ-ტერიტორიული ცვლილების შესახებ.

65. ბრძანებულება ცაგერის რაიონის ზოგიერთი სასოფლო საბჭოს გადარქმევის შესახებ.

66. ბრძანებულება ყაზბეგის რაიონის ახალციხის სასოფლო საბჭოს გადარქმევის შესახებ.

67. ბრძანებულება აჭარის ასსრ ზოგიერთი სასოფლო საბჭოს ადმინისტრაციულ-ტერიტორიული ცვლილების შესახებ.

68. ბრძანებულება გორის რაიონის ზოგიერთი სასოფლო საბჭოს გადარქმევისა და ადმინისტრაციულ-ტერიტორიული ცვლილების შესახებ.

69. ბრძანებულება თეთრი წყაროს რაიონის მთიულეთის სასოფლო საბჭოს გადარქმევის შესახებ.

70. ბრძანებულება თიანეთის რაიონის ზოგიერთი სასოფლო საბჭოს გადარქმევის შესახებ.

71. ბრძანებულება საქართველოს სსრ დამსახურებული ვეტერინარი ექიმის წოდების მინიჭების შესახებ.

72. ბრძანებულება საქართველოს სსრ დამსახურებული ზოოტექნიკოსის წოდების მინიჭების შესახებ.

73. ბრძანებულება საქართველოს სსრ სახალხო სასამართლოების არჩევნების დებულების დამტკიცების შესახებ.

საქართველოს სსრ უმაღლესი საბჭოს პრეზიდიუმის ბრძანებულება

62. ბრძანებულება თბილისის აბრეშუმის საქსოვი ფაბრიკისათვის
ა. ე. თოფურიძის სახელის მიკუთვნების შესახებ

მიეკუთვნოს საქართველოს სსრ მსუბუქი მრეწველობის სამინისტროს
თბილისის აბრეშუმის საქსოვ ფაბრიკას ალექსანდრე ეპიფანეს ძე თოფურიძის
სახელი და ამიერიდან იწოდებოდეს ა. თოფურიძის სახელობის თბილისის
აბრეშუმის საქსოვ ფაბრიკად.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ევანატაშვილი.

ქ. თბილისი.
1951 წ. 2 ოქტომბერი

63. ბრძანებულება საქართველოს სსრ მშრომელთა დეპუტატების საოლქო,
რაიონული, საქალაქო, სასოფლო და სადაბო საბჭოების არჩევნების ჩატარე-
ბის წესის შესახებ ცალკეულ საარჩევნო ოლქებში, გასული დეპუტატების
ნაცვლად

საქართველოს სსრ უმაღლესი საბჭოს პრეზიდიუმი ადგენს:

1. დაწესდეს, რომ თანახმად „საქართველოს სსრ მშრომელთა დეპუტატ-
ტების საოლქო (სამხრეთ-ოსეთის ავტონომიური ოლქის), რაიონული, საქა-
ლაქო, სასოფლო და სადაბო საბჭოების არჩევნების დებულების“ 119 მუხ-
ლისა, ადგილობრივი საბჭოების დეპუტატების არჩევნებს, გასული დეპუტატე-
ბის ნაცვლად, ნიშნავს მშრომელთა დეპუტატების ზემდგომი საბჭოს აღმასრუ-
ლებელი კომიტეტი იმ საბჭოს აღმასკომის წარდგენით, რომლის შემადგენ-
ლობიდანაც გავიდნენ დეპუტატები.

2. მშრომელთა დეპუტატების საოლქო, რაიონული, საქალაქო, სასოფლო
და სადაბო საბჭოების დეპუტატების არჩევნების ცალკეულ საარჩევნო ოლ-
ქებში, გასული დეპუტატების ნაცვლად, საარჩევნო კამპანია უნდა დაიწყოს
ორი კვირით ადრე არჩევნების დღემდე, ნაცვლად ორი თვისა, რაც გათვალის-
წინებულია „საქართველოს სსრ მშრომელთა დეპუტატების საოლქო (სამხ-
რეთ-ოსეთის ავტონომიური ოლქის), რაიონული, საქალაქო, სასოფლო და
სადაბო საბჭოების არჩევნების დებულებით“.

ამის შესაბამისად:

ა) საოლქო და საუბნო საარჩევნო კომისიების დამტკიცება, აგრეთვე
საარჩევნო უბნების შექმნა ხდება არა უგვიანეს 12 დღისა არჩევნებამდე;

ბ) ამომრჩეველთა სიები საყოველთაო გასაცნობად გამოიკრება არა
უგვიანეს 10 დღისა არჩევნებამდე;

გ) საოქქო საარჩევნო კომისიებში დებუტატობის კანდიდატების რეგისტრაცია უნდა მოხდეს არა უგვიანეს 7 დღისა არჩევნებამდე, ხოლო ცნობები დებუტატობის რეგისტრირებულ კანდიდატებზე და დასახელება საზოგადოებრივი ორგანიზაციებისა, რომლებმაც წამოაყენეს კანდიდატები, ქვეყნდება არა უგვიანეს 5 დღისა არჩევნებამდე.

3. თუ საარჩევნო უბნის ტერიტორია დიდია საარჩევნო ოლქის ტერიტორიაზე ან თანაბარია ამ ტერიტორიისა, საარჩევნო უბნები და საუბნო საარჩევნო კომისიები არ შეიქმნება; საარჩევნო ბიულეტენების მიღება და დებუტატობის თვითეული კანდიდატისათვის ოლქში მიცემული ხმების დათვლა ევალება საოქქო საარჩევნო კომისიას.

ამომრჩეველთა სიები ასეთ შემთხვევაში სდგება საარჩევნო ოლქების მიხედვით.

4. ცალკეულ საარჩევნო ოლქებში დებუტატების არჩევნების ჩატარების დროს, ნაცვლად გასული დებუტატებისა, საოქქო, რაიონული, საქალაქო, სასოფლო და სადაბო საბჭოების საარჩევნო კომისიები არ შეიქმნება.

არჩევნების დროს არჩევნების დებულების განუხრებლად შესრულებაზე თვალყურის დევნება, საჩივრების განხილვა საარჩევნო კომისიების ალასწორ შოქყედების შესახებ ეკისრება მშრომელთა დებუტატების სათადადო საბჭოს აღმასოულვებელ კომიტეტს, ხოლო დაწესებულებული ფოომის საარჩევნო ბიულეტენების დასახადეას აწარშოებებს სათახადო საოქქო საარჩევნო კომისიები.

5. ამომრჩეველებს საცხოვრებელი ადგილის შეცვლის შემთხვევაში „ხმის მიცემის უფლების მოწმობა“ ო შიეცებათ, რის შედეგად ხმის მიცემა შეიძლება დაშთავრებულად გამოცხადდეს ღამის 12 საათზე ადრეც, თუ კი ამომრჩეველთა სიაში შეტახილი ყველა ამომრჩეველი ამ დროისათვის არჩევნებზე გამოცხადდება.

6. აფხაზეთისა და აქარის ავტონომიური რესპუბლიკების მშრომელთა დებუტატების ადგილობრივი საბჭოების არჩევნების წყეს ცალკეულ საარჩევნო ოლქებში, გასული დებუტატების ნაცვლად, ადგენენ ავტონომიური რესპუბლიკების უმაღლესი საბჭოების პრეზიდიუმები.

7. ძალდაკარგულად ჩაითვალოს საქართველოს სსრ უმაღლესი საბჭოს პრეზიდიუმის 1941 წლის 27 თებერვლის ბრძახებულევა „საქართველოს სსრ მშრომელთა დებუტატების ადგილობრივი საბჭოების გასული დებუტატების ნაცვლად დებუტატების არჩევნების საარჩევნო კამპანიის ვადების შესახებ“.


საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.
1951 წ. 2 ოქტომბერი.

წ1. ბრძახებულევა საჩხერის რაიონის ზოგიერთი სასოფლო საბჭოს გადარქმევისა და აღმინისტრაციულ-ტერიტორიული ცვლილების შესახებ

საქართველოს სსრ უმაღლესი საბჭოს პრეზიდიუმი ადგენს:
1. ეწოდოს საჩხერის რაიონის ხვანოს სასოფლო საბჭოს მისი ცენტრის სახელწოდების შესაბამისად — ქალაქიანის სასოფლო საბჭო;



2. გაერთიანდეს სოფელ კობოზულის სახელწოდებით სოფლები: გოგოლაძეები, სისვაძეები, მაჭარაშვილები და კაპანაძეები;

3. ეწოდოს სოფელს ზედა ლიჩხ—სოფელი ლიჩი;

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.

1951 წ. 3 ოქტომბერი.

**65. ბრძანებულება ცაგერის რაიონის ზოგიერთი სასოფლო საბჭოს
გადარქმევის შესახებ**

საქართველოს სსრ უმაღლესი საბჭოს პრეზიდიუმი ადგენს:

ეწოდოს ცაგერის რაიონის სასოფლო საბჭოებს მათი ცენტრების სახელწოდების შესაბამისად:

მახურისას—ისუნდერის სასოფლო საბჭო;

დეხვირისას—ლასურიაშის სასოფლო საბჭო;

ლაძგვერისას—ოფიტარას სასოფლო საბჭო.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.

1951 წ. 3 ოქტომბერი.

**66. ბრძანებულება ყაზბეგის რაიონის ახალციხის სასოფლო საბჭოს
გადარქმევის შესახებ**

საქართველოს სსრ უმაღლესი საბჭოს პრეზიდიუმი ადგენს:

ეწოდოს ყაზბეგის რაიონის ახალციხის სასოფლო საბჭოს მისი ცენტრის სახელწოდების შესაბამისად სნოს სასოფლო საბჭო.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.

1951 წ. 3 ოქტომბერი.



67. ბრძანებულება აქარის ასს რეხპუბლიკის ზოგიერთი სასოფლო საბჭოს აღმინისტრაციულ-ტერიტორიული ცვლილების შესახებ

საქართველოს სსრ უმაღლესი საბჭოს პრეზიდიუმი ადგენს:
დანტიციდეს აქარის ასსრ უმაღლესი საბჭოს პრეზიდიუმის წარდგინება და:

1. ეწოდოს ქობულეთის რაიონის დაგვის სასოფლო საბჭოს მისი ცენტრის შესაბამისად ბობოყვათის სასოფლო საბჭო;
2. გამოეყოს ქობულეთის რაიონის სასოფლო საბჭოებს:
 - ა) ქობულეთისას—სოფელი კონდიდი, გაიყოს იგი და მიეკუთვნოს: ზედა კონდიდი—მუხანეტატის სასოფლო საბჭოს; ქვედა კონდიდი—ხუცუბნის სასოფლო საბჭოს;
 - ბ) ლღვასას—სოფელი წყავროკა და მიეკუთვნოს მუხანეტატის სასოფლო საბჭოს;
3. გამოეყოს ქედის რაიონის ცხმორისის სასოფლო საბჭოს სოფელი აბუქეთი და მიეკუთვნოს ზვარცხის სასოფლო საბჭოს;
4. გამოეყოს ხულოს რაიონის უჩაბის სასოფლო საბჭოს სოფელი ჯანძიები და მიეკუთვნოს დღვანის სასოფლო საბჭოს;
5. გაერთიანდეს სოფელ ჩხუტუნეთის სახელწოდებით ბათუმის რაიონის აქარისაღმართის სასოფლო საბჭოს სოფლები ზედა ჩხუტუნეთი და ქვედა ჩხუტუნეთი.

საქართველოს სსრ უმაღლესი საბჭოს პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს პრეზიდიუმის მდივანი ვ. ეგნატაშვილი.

ქ. თბილისი.
1951 წ. 3 ოქტომბერი.

68. ბრძანებულება გორის რაიონის ზოგიერთი სასოფლო საბჭოს გადარქმევისა და აღმინისტრაციულ-ტერიტორიული ცვლილების შესახებ

საქართველოს სსრ უმაღლესი საბჭოს პრეზიდიუმი ადგენს:

1. ეწოდოს გორის რაიონის სასოფლო საბჭოებს მათი ცენტრების სახელწოდების შესაბამისად:
 - სვენეთისას—ბერბუკის სასოფლო საბჭო,
 - ქვემო ახალსოფლისას—ზედდულეთის სასოფლო საბჭო.
2. გაერთიანდეს: სოფელ ატენის სახელწოდებით—ატენის სასოფლო საბჭოს სოფლები ატენი და ფუხაანთკარი; სოფელ ბერშუეთის სახელწოდებით—ბერშუეთის სასოფლო საბჭოს სოფლები დიდი ბერშუეთი და პატარა ბერშუეთი; სოფელ სკრის სახელწოდებით—სკრის სასოფლო საბჭოს სოფლები ზემო სკრა და ქვემო სკრა; სოფელ ხიდისთავის სახელწოდებით—ხიდისთავის სასოფლო საბჭოს სოფლები ზემო ხიდისთავი და ქვემო ხიდისთავი.

საქართველოს სსრ უმაღლესი საბჭოს პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს პრეზიდიუმის მდივანი ვ. ეგნატაშვილი.

ქ. თბილისი.
1951 წ. 3 ოქტომბერი.



**69. ბრძანებულება თეთრი წყაროს რაიონის მთიულეთის სასოფლო საბჭოს
გადარკმევის შესახებ**

საქართველოს სსრ უმაღლესი საბჭოს პრეზიდიუმი ადგენს:
ეწოდოს თეთრი წყაროს რაიონის მთიულეთის სასოფლო საბჭოს მისი
ცენტრის სახელწოდების შესაბამისად—ჩხიკვთის სასოფლო საბჭო.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.
1951 წლის 3 ოქტომბერი.

**70. ბრძანებულება თიანეთის რაიონის ზოგიერთი სასოფლო საბჭოს
გადარკმევის შესახებ**

საქართველოს სსრ უმაღლესი საბჭოს პრეზიდიუმი ადგენს:
ეწოდოს თიანეთის რაიონის სასოფლო საბჭოებს მათი ცენტრების სა-
ხელწოდების შესაბამისად:

- ქვემო ერწოსას—ნაქალაქარის სასოფლო საბჭო;
- ზემო ერწოსას—სიმონიანთხევის სასოფლო საბჭო;
- საყდრონისას—ხევსურთსოფლის სასოფლო საბჭო.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.
1951 წ. 3 ოქტომბერი.

**71. ბრძანებულება საქართველოს სსრ დამსახურებული ვეტერინარი ექიმის
წოდების მინიჭების შესახებ**

ხანგრძლივი მუშაობისათვის და კოლმეურნეობებსა და საბჭოთა მეურ-
ნეობებში მეცხოველეობის განვითარების საქმეში დამსახურებისათვის მიენი-
ჭოთ საქართველოს სსრ დამსახურებული ვეტერინარი ექიმის წოდება:

1. ბასილაშვილს ანტონ დი- —ქობულეთის რაიონის მშრომელთა დებუ-
თაბების საბჭოს აღმასკომის სოფლის მე-
ურნეობის განყოფილების მთავარ ვეტე-
რინარ ექიმს.
2. გეგეშიძეს გიორგი პავლეს-ძეს—სამხრეთ-ოსეთის ავტონომიური ოლქის
მშრომელთა დებუთაბების საბჭოს აღმას-
კომის სოფლის მეურნეობის სამმართველოს
უფროს ვეტერინარ ექიმს.
3. დადიანს დიმიტრი ნიკო- —ზუგდიდის რაიონის მშრომელთა დებუთა-
ბების საბჭოს აღმასკომის სოფლის მეურ-

ნეობის განყოფილების მთავარ ვეტერინარ ექიმს.

- 4. დაეთუღიანს აკაკი ეფრემის-ძეს — ბოლნისის რაიონის მშრომელთა დეპუტატების საბჭოს აღმასკომის სოფლის მეურნეობის განყოფილების მთავარ ვეტერინარ ექიმს.
- 5. თოფურიძეს ალექსანდრე ბესარიონის-ძეს — წყალტუბოს რაიონის მშრომელთა დეპუტატების საბჭოს აღმასკომის სოფლის მეურნეობის განყოფილების მთავარ ვეტერინარ ექიმს.
- 6. კაჭხიძეს ვასილ ანდრონიკეს-ძეს — საქართველოს სსრ სოფლის მეურნეობის სამინისტროს მოძრავი ვეტერინარულ-ბაქტერიოლოგიური ლაბორატორიის გამგეს.
- 7. ნაჭყებიას არტემ პეპუს-ძეს — გუდაუთის რაიონის მშრომელთა დეპუტატების საბჭოს აღმასკომის სოფლის მეურნეობის განყოფილების მთავარ ვეტერინარ ექიმს.
- 8. სხილაძეს მიხეილ ვასილის-ძეს — საქართველოს სსრ სოფლის მეურნეობის სამინისტროს ცხაკაიას სარაიონთაშორისო ვეტერინარულ-ბაქტერიოლოგიური ლაბორატორიის გამგეს.
- 9. ხუჭუას სერაპიონ ივანეს-ძეს — საქართველოს სსრ სოფლის მეურნეობის სამინისტროს სამტრედიის სარაიონთაშორისო ვეტერინარულ-ბაქტერიოლოგიური ლაბორატორიის გამგეს.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.
1951 წ. 3 ოქტომბერი.

72. ბრძანებულება საქართველოს სსრ დამსახურებული ზოოტექნიკოსის წოდების მინიჭების შესახებ

ხანგრძლივი მუშაობისათვის და კოლმეურნეობებსა და საბჭოთა მეურნეობებში მეცხოველეობის განვითარების საქმეში დამსახურებისათვის მიენიჭოთ საქართველოს სსრ დამსახურებული ზოოტექნიკოსის წოდება:

- 1. ალექსიძეს ირაკლი ესტატეს-ძეს — საქართველოს სსრ სოფლის მეურნეობის სამინისტროს მეცხოველეობის სამმართველოს უფროს ზოოტექნიკოსს.
- 2. ამალლობელს ქეთევან იოსების ასულს — ქუთაისის რაიონის მშრომელთა დეპუტატების საბჭოს აღმასკომის სოფლის მეურნეობის განყოფილების მთავარ ზოოტექნიკოსს.

3. თვალკრელიძეს სიმონ გერა- —საქართველოს მეცხოველეობის სამეც-
სიმეს-ძეს ნიერო-კვლევითი ინსტიტუტის სასწავ-
ლო-საცდელი მეურნეობის ზოოტექნი-
კოსს.
4. კალატოზიშვილს დავით დი- —წითელწყაროს რაიონის სოფელ არბო-
მიტრის-ძეს შიკის ბერიას სახ. კოლმეურნეობის
ზოოტექნიკოსს.
5. კასრაძეს ტაისია დიმიტრის —სამხრეთ-ოსეთის ავტონომიური ოლქის
ასულს სტალინირის რაიონის ქემერტის ზოო-
ვეტერინარული უბნის ზოოტექნიკოსს.
6. კირეულიშვილს მიხეილ მიხეი- —თბილისის გარეუბნის რაიონის მარტ-
ლის-ძეს ყოფის ზოოვეტერინარული უბნის ზოო-
ტექნიკოსს.
7. ლიაშენკოს ვიქტორ ნიკოლო- —საქართველოს სსრ სოფლის მეურნე-
ზის ძეს ობის სამინისტროს მეცხოველეობის
სამმართველოს უფროსის მოადგილეს
და მთავარ ზოოტექნიკოსს.
8. მაწკებლაძეს ივლიანე ბარ- — საქართველოს მეცხოველეობის სამეცნიერ-
ნაბის-ძეს რო-კვლევითი ინსტიტუტის „სასოფლო-
სამეურნეო ცხოველთა ფიზიოლოგიის, გა-
მრავლებისა და ხელოვნური დათესვის
განყოფილების“ გამგეს.
9. ნამიჩიშვილს ნიკოლოზ ტა- —თბილისის გარეუბნის რაიონის მშრომელთა
რასის-ძეს დებუტატების საბჭოს აღმასკომის სოფლის
მეურნეობის განყოფილების მთავარ ზოო-
ტექნიკოსს.
10. ქურიძეს ალექსანდრე ნეს- —საქართველოს მეცხოველეობის სამეცნიერ-
ტორის-ძეს რო-კვლევითი ინსტიტუტის სასწავლო-
საცდელი მეურნეობის ზოოტექნიკოსს.
11. ხოსიტაშვილს ალექსანდრე —წნორის მეფრინველეობის საინჟუბატორო
თომას-ძეს სადგურის დირექტორს.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.
1951 წ. 3 ოქტომბერი.

**7მ. ბრძანებულება საქართველოს სსრ სახალხო სასამართლოების არჩევნების
დებულების დამტკიცების შესახებ**

საქართველოს სსრ უმაღლესი საბჭოს პრეზიდიუმი ადგენს:
დამტკიცდეს „დებულება საქართველოს სსრ სახალხო სასამართლოების
არჩევნებისა“.

საქართველოს სსრ უმაღლესი საბჭოს
პრეზიდიუმის თავმჯდომარე ვ. გოგუა.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.

ქ. თბილისი.
1951 წ. 6 ოქტომბერი.



რ ე გ უ ლ ე ბ ა

საქართველოს სსრ სახალხო სასამართლოების არჩევნებისა

თავი I

საარჩევნო სისტემა

1. საქართველოს სსრ კონსტიტუციის 123 მუხლისა და სსრ კავშირის, მოკავშირე და ავტონომიური რესპუბლიკების სასამართლო წყობილების კანონის 22 მუხლის საფუძველზე სახალხო სასამართლოებს რაიონის მოქალაქენი ირჩევენ საყოველთაო, პირდაპირი და თანასწორი საარჩევნო უფლების საფუძველზე ფართული კენჭისყრით — სამი წლის ვადით.

2. სახალხო მოსამართლედ და სახალხო მსაჯულად შეიძლება არჩეულ იქნას საქართველოს სსრ ყოველი მოქალაქე, რომელიც სარგებლობს საარჩევნო უფლებით და რომელსაც არჩევნების დღისათვის 23 წელი შეუსრულდა. არ შეიძლება არჩეულ იქნას სახალხო მოსამართლედ და სახალხო მსაჯულად ნასამართლობის მქონე პირი.

3. საქართველოს სსრ კონსტიტუციის 18 მუხლის საფუძველზე ყველა მხვა მოკავშირე რესპუბლიკის მოქალაქე საქართველოს სსრ ტერიტორიაზე სარგებლობს საქართველოს სსრ მოქალაქის თანაბარი უფლებით — აირჩიოს და არჩეულ იქნას სახალხო მოსამართლედ და სახალხო მსაჯულად.

4. სსრ კავშირის, მოკავშირე და ავტონომიური რესპუბლიკების სასამართლო წყობილების კანონის 23 მუხლის საფუძველზე რაიონის მოქალაქენი სახალხო მოსამართლეებსა და სახალხო მსაჯულებს ირჩევენ საარჩევნო ოლქების მიხედვით. სახალხო სასამართლოს (სახალხო მოსამართლისა და სახალხო მსაჯულების) არჩევნების საარჩევნო ოლქი მოიცავს მთელ მოსახლეობას, რომელიც ცხოვრობს ამ სასამართლოს სამოქმედო ტერიტორიაზე.

5. სახალხო სასამართლოების არჩევნების ჩატარებასთან დაკავშირებულ ხარჯებს ეწევა სახელმწიფო.

თავი II

ამომრჩეველთა სიები

6. ამომრჩეველთა სიებს სახალხო სასამართლოების არჩევნებისათვის ადგენენ: ქალაქად — მშრომელთა დეპუტატების საქალაქო საბჭოების აღმასრულებელი კომიტეტები, რაიონებად დაყოფილ ქალაქებში — რაიონული საბჭოების აღმასრულებელი კომიტეტები, დაბებში—სადაბო საბჭოების აღმასრულებელი კომიტეტები, სოფლად — მშრომელთა დეპუტატების სასოფლო საბჭოების აღმასრულებელი კომიტეტები.

7. ამომრჩეველთა სიებში შეაქვთ საარჩევნო უფლების მქონე ყველა მოქალაქე, მამაკაცები და ქალები, რომლებიც სიის შედგენის დროს მოცემული საბჭოს ტერიტორიაზე ცხოვრობენ და არჩევნების დღისათვის 18 წელი შეუსრულდათ, დამოუკიდებლად მათი რასობრივი და ნაციონალური კუთვნილებისა, სარწმუნოებისა, განათლების ცენზისა, ბინადრობისა, სოციალური წარმოშობისა, ქონებრივი მდგომარეობისა და წარსული საქმიანობისა.



8. ამომრჩეველთა სიებში არ შეაქვთ სასამართლოს განაჩენით საარჩევნო უფლებჩამორთმეული პირნი მთელი იმ ვადის განმავლობაში, რა ვადითაც საარჩევნო უფლების ჩამორთმევა განაჩენშია განსაზღვრული, აგრეთვე ის პირნი, რომელნიც კანონით დადგენილი წესით ცნობილი არიან შეშლილებად.

9. ამომრჩეველთა სიები სდგება თითოეული საარჩევნო პუნქტის მიხედვით დაწესებული ფორმით, ანბანის წესზე, ამომრჩევლის გვარის, სახელის, მამის სახელის, წლოვანებისა და საცხოვრებელი ადგილის აღნიშვნით. სიებს ხელს აწერენ მშრომელთა დეპუტატების საბჭოს აღმასრულებელი კომიტეტის თავმჯდომარე და მდივანი.

10. სამხედრო ნაწილებსა და ჯარის შენაერთებში მყოფ ამომრჩეველთა სიები სდგება მეთაურის ხელმოწერით. ყველა დანარჩენი სამხედრო მოსამსახურე ამომრჩეველთა სიებში შეაქვთ საცხოვრებელი ადგილის მიხედვით მშრომელთა დეპუტატების საბჭოების სათანადო აღმასრულებელ კომიტეტებს.

11. არჩევნებამდე 20 დღით ადრე მშრომელთა დეპუტატების საბჭოს აღმასრულებელი კომიტეტი ამომრჩეველთა სიებს გამოაკრავს ყველას გასაცნობად ან უზრუნველყოფს ამომრჩევლებისათვის ამ სიების გაცნობის შესაძლებლობას საბჭოს ან საარჩევნო პუნქტის შენობაში.

12. განცხადება ამომრჩეველთა სიაში დაშვებული შეცდომის შესახებ (სიაში შეუტანლობა, სიიდან ამოშლა, გვარის, სახელისა და მამის სახელის დამახინჯება, საარჩევნო უფლებჩამორთმეულ პირთა უმართებულოდ შეტანა სიაში) შეაქვთ მშრომელთა დეპუტატების საბჭოს აღმასრულებელ კომიტეტში, რომელმაც სია გამოაქვეყნა.

13. მშრომელთა დეპუტატების საბჭოს აღმასრულებელი კომიტეტი ვალდებულია ყოველი განცხადება ამომრჩეველთა სიებში დაშვებული შეცდომის შესახებ სამი დღის ვადაში განიხილოს და შეიტანოს საჭირო შესწორებანი ამომრჩეველთა სიაში, ან მისცეს განმცხადებელს წერილობითი ცნობა მისი განცხადების უარყოფის მოტივების შესახებ. თუ განმცხადებელი არ ეთანხმება მშრომელთა დეპუტატების საბჭოს აღმასრულებელი კომიტეტის გადაწყვეტილებას, მას შეუძლია საჩივარი შეიტანოს მშრომელთა დეპუტატების ზემდგომი საბჭოს აღმასრულებელ კომიტეტში, რომლის გადაწყვეტილება საბოლოოა.

თაზი III

სახალხო სასამართლოების არჩევნების საარჩევნო ოლქები და საარჩევნო კუნძულები

14. სახალხო სასამართლოს არჩევნების თითოეულ საარჩევნო ოლქში არჩეული იქნება ერთი სახალხო მოსამართლე და 50-დან 75-მდე სახალხო მსაჯული.

თითოეულ საარჩევნო ოლქში ასარჩევ სახალხო მსაჯულთა რიცხვს აწესებს საქართველოს სსრ უმაღლესი საბჭოს პრეზიდიუმი, ხოლო აფხაზეთისა და აჭარის ავტონომიურ რესპუბლიკებში და სამხრეთ-ოსეთის ავტონომიურ ოლქში — სათანადო ავტონომიური რესპუბლიკის უმაღლესი საბჭოს პრეზიდიუმი ან ავტონომიური ოლქის მშრომელთა დეპუტატების საოლქო საბჭოს აღმასრულებელი კომიტეტი საქართველოს სსრ იუსტიციის სამინისტროს და სათანადო ავტონომიური რესპუბლიკის იუსტიციის სამინისტროს ან ავტონომ-

მიუზი ოლქის მშრომელთა დეპუტატების საბჭოსთან არსებული საქართველოს სსრ იუსტიციის სამინისტროს სამმართველოს წარდგენით.

15. სახალხო სასამართლოების არჩევნების საარჩევნო ოლქების სიას, თითოეულ ოლქში ასარჩევი სახალხო მსაჯულების რიცხვის აღნიშვნით, აქვეყნებს საქართველოს სსრ უმაღლესი საბჭოს პრეზიდიუმი, ხოლო აფხაზეთისა და აჭარის ავტონომიურ რესპუბლიკებში და სამხრეთ-ოსეთის ავტონომიურ ოლქში — სათანადო ავტონომიური რესპუბლიკის უმაღლესი საბჭოს პრეზიდიუმი ან ავტონომიური ოლქის მშრომელთა დეპუტატების საოლქო საბჭოს აღმასრულებელი კომიტეტი არა უგვიანეს 45 დღისა არჩევნებამდე.

16. საარჩევნო ბიულეტენების მისაღებად და ხმების დასათვლელად სახალხო სასამართლოს არჩევნების საარჩევნო ოლქის ტერიტორიაზე იქმნება საარჩევნო პუნქტები.

17. საარჩევნო პუნქტებს ჰქმნიან:

ქალაქად — მშრომელთა დეპუტატების საქალაქო საბჭოების აღმასრულებელი კომიტეტები, რაიონებად დაყოფილ ქალაქებში — მშრომელთა დეპუტატების რაიონული საბჭოების აღმასრულებელი კომიტეტები, სოფლად — მშრომელთა დეპუტატების რაიონული საბჭოების აღმასრულებელი კომიტეტები.

საარჩევნო პუნქტები იქმნება არა უგვიანეს 35 დღისა არჩევნებამდე.

18. ქალაქებში, დაბებში, აგრეთვე სოფლებში და იმ სასოფლო საბჭოების ტერიტორიაზე, სადაც ითვლება 2000-ზე მეტი მცხოვრები, საარჩევნო პუნქტები იქმნება ანგარიშით—ერთი საარჩევნო პუნქტი 1500—3000 მცხოვრებზე.

19. სასოფლო საბჭოს ტერიტორია, რომლის მოსახლეობა 2000 კაცს არ აღემატება, როგორც წესი, მიეკუთვნება ერთ საარჩევნო პუნქტს.

თითოეულ სოფელში, რომელშიც ითვლება 500-დან 2000-მდე მცხოვრები, იქმნება ცალკე საარჩევნო პუნქტი.

სოფელში ან სოფლების ჯგუფში, სადაც ითვლება 500-ზე ნაკლები მცხოვრები, მაგრამ არა ნაკლებ 300-ისა, თუ მანძილი ასეთი სოფლებიდან საარჩევნო პუნქტამდე 10 კილომეტრს აღემატება, შეიძლება შეიქმნას ცალკე საარჩევნო პუნქტები.

20. დაშორებულ რაიონებში, სადაც წერილი დასახლებული პუნქტები სჭარბობენ, შეიძლება მოეწყოს საარჩევნო პუნქტები არა ნაკლებ 100 მცხოვრებით.

მთიან და მომთაბარო ადგილებში შეიძლება შეიქმნას საარჩევნო პუნქტები 100-ზე ნაკლები მცხოვრებით, მაგრამ არა ნაკლებ 50-სა.

21. სამხედრო ნაწილებში და ჯარის შენაერთებში მოეწყობა ცალკე საარჩევნო პუნქტები არა ნაკლებ 50 და არა უმეტეს 3000 ამომრჩევლით.

თავი IV

არჩევნების ორგანიზაცია

22. სახალხო სასამართლოების არჩევნებს აწყობს საქართველოს სსრ უმაღლესი საბჭოს პრეზიდიუმი, ხოლო აფხაზეთისა და აჭარის ავტონომიურ რესპუბლიკებში და სამხრეთ-ოსეთის ავტონომიურ ოლქში — სათანადო ავტონომიური რესპუბლიკის უმაღლესი საბჭოს პრეზიდიუმი ან ავტონომიური

ოლქის მშრომელთა დეპუტატების საოლქო საბჭოს აღმასრულებელი კომიტეტი მშრომელთა დეპუტატების რაიონული და საქალაქო საბჭოების აღმასრულებელი კომიტეტების შემვეობით. საქართველოს სსრ უმაღლესი საბჭოს პრეზიდიუმი საქართველოს სსრ მთელ ტერიტორიაზე, აფხაზეთისა და აჭარის ავტონომიური რესპუბლიკების უმაღლესი საბჭოების პრეზიდიუმები და ხანჩეთ-ოსეთის ავტონომიური ოლქის მშრომელთა დეპუტატების საოლქო საბჭოს აღმასრულებელი კომიტეტი—სათანადო ავტონომიური რესპუბლიკისა და ავტონომიური ოლქის მთელ ტერიტორიაზე თვალყურს ადევნებენ არჩევნების ამ დებულების შესრულებას არჩევნების მსვლელობაში და სწყვეტენ საჩივრებს მშრომელთა დეპუტატების რაიონული და საქალაქო საბჭოების აღმასრულებელი კომიტეტების არასწორ მოქმედებათა შესახებ.

23. რაიონებისა და ქალაქების (რომლებსაც რაიონული დაყოფა არა აქვთ) მშრომელთა დეპუტატების საბჭოების აღმასრულებელ კომიტეტება ევალებათ:

ა) რეგისტრაციის წარმოება სახალხო მოსამართლეთა და სახალხო მსაჯულთა კანდიდატებისა, რომლებიც წამოყენებული არიან საქართველოს სსრ კონსტიტუციის, სსრ კავშირის, მოკავშირე და ავტონომიური რესპუბლიკების სასამართლო წყობილების კანონისა და არჩევნების ამ დებულების მოთხოვნათა დაცვით;

ბ) მომარაგება საარჩევნო პუნქტებისა სახალხო მოსამართლეების და სახალხო მსაჯულების არჩევნებისათვის დაწესებული ფორმის საარჩევნო ბიულეტენებით;

გ) რწმუნებულების დანიშვნა საარჩევნო ბიულეტენების მისაღებად და ხმების დასათვლელად საარჩევნო პუნქტებში;

დ) სახალხო მოსამართლისა და სახალხო მსაჯულთა არჩევნების შედეგების გამორკვევა თითოეული საარჩევნო ოლქის მიხედვით;

ე) არჩეული სახალხო მოსამართლეებისა და სახალხო მსაჯულებისათვის არჩევის მოწმობების გაცემა და სახალხო მსაჯულთა სიის შედგენა თითოეული სახალხო სასამართლოს მიხედვით;

ვ) განხილვა საჩივრებისა საარჩევნო პუნქტებში წარგზავნილ რწმუნებულთა არასწორი მოქმედების შესახებ.

24. სახალხო მოსამართლისა და სახალხო მსაჯულის თითოეული კანდიდატისათვის მიცემული ხმების დასათვლელად მშრომელთა დეპუტატების რაიონული და საქალაქო საბჭოების აღმასრულებელი კომიტეტები ჰქმნიან დამოუკიდებელ კომისიას 5—7 კაცის შემადგენლობით თითოეულ საარჩევნო ოლქზე.

25. სახალხო მოსამართლისა და სახალხო მსაჯულის თითოეული კანდიდატისათვის ყოველ საარჩევნო პუნქტში მიცემული ხმების დასათვლელად მშრომელთა დეპუტატების რაიონული ან საქალაქო საბჭოს აღმასრულებელ კომიტეტის რწმუნებულთან შეიქმნება დამოუკიდებელი კომისია 5—11 კაცის შემადგენლობით, რომელსაც ამტკიცებს მშრომელთა დეპუტატების რაიონული ან საქალაქო საბჭოს აღმასრულებელი კომიტეტი.

სახალხო მოსამართლისა და სახალხო მსაჯულის კანდიდატების წამოყენების წესი

26. სახალხო მოსამართლისა და სახალხო მსაჯულის კანდიდატების წამოყენების უფლება უზრუნველყოფილი აქვთ საზოგადოებრივ ორგანიზაციებსა და მშრომელთა საზოგადოებებს: კომუნისტურ პარტიულ ორგანიზაციებს, პროფესიულ კავშირებს, კოოპერაციულ ორგანიზაციებს, ახალგაზრდობის ორგანიზაციებსა და კულტურულ საზოგადოებებს, აგრეთვე საერთო კრებებს მუშებისა და მოსამსახურეებისას—საწარმოებში და დაწესებულებებში, სამხედრო მოსამსახურეებისას—სამხედრო ნაწილებში, საერთო კრებებს გლეხებისას—კოლმეურნეობებში და სოფლებში, საბჭოთა მეურნეობის მუშებისა და მოსამსახურეებისას—საბჭოთა მეურნეობებში.

27. არჩევნებად არა უგვიანეს 25 დღისა ყველა საზოგადოებრივი ორგანიზაცია ან მშრომელთა საზოგადოება, რომლებმაც წამოაყენეს სახალხო მოსამართლისა და სახალხო მსაჯულის კანდიდატები, ვალდებული არიან რეგისტრაციაში გაატარონ ეს კანდიდატები მშრომელთა დეპუტატების რაიონული ან საქალაქო საბჭოს აღმასრულებელ კომიტეტში.

მშრომელთა დეპუტატების რაიონული ან საქალაქო საბჭოს აღმასრულებელი კომიტეტი ვალდებულია რეგისტრაციაში გაატაროს სახალხო მოსამართლისა და სახალხო მსაჯულის ყველა კანდიდატი, რომელნიც წამოაყენეს საზოგადოებრივმა ორგანიზაციებმა და მშრომელთა საზოგადოებებმა საქართველოს სსრ კონსტიტუციის, სსრ კავშირის, მოკავშირე და ავტონომიური რესპუბლიკების სასამართლო წყობილების კანონისა და არჩევნების ამ დებულების მოთხოვნათა დაცვით.

28. საზოგადოებრივი ორგანიზაცია ან მშრომელთა საზოგადოება, რომლებმაც წამოაყენეს სახალხო მოსამართლისა ან სახალხო მსაჯულის კანდიდატები, ვალდებული არიან კანდიდატის რეგისტრაციისათვის წარუდგინონ მშრომელთა დეპუტატების რაიონულ ან საქალაქო საბჭოს აღმასრულებელ კომიტეტს შემდეგი დოკუმენტები:

ა) ოქმი კრების ან სხდომისა, რომელზედაც წამოყენებული იყო სახალხო მოსამართლისა ან სახალხო მსაჯულის კანდიდატი; ოქმი ხელმოწერილი უნდა იყოს პრეზიდიუმის წევრების მიერ ჰათი საცხოვრებელი ადგილის აღნიშვნით. ოქმში უნდა იყოს ნაჩვენები: კანდიდატის წამომყენებელი ორგანიზაციის სახელწოდება, კრების ან სხდომის ადგილი, დრო და მონაწილეთა რაოდენობა, კანდიდატის გვარი, სახელი, მამის სახელი, წლოვანება, საცხოვრებელი ადგილი, პარტიულობა, საქმიანობა.

ბ) სახალხო მოსამართლისა ან სახალხო მსაჯულის კანდიდატის განცხადება, რომ იგი თანახმაა კენჭი იყაროს ამ საარჩევნო ოლქში მისი წამომყენებელი ორგანიზაციის სახელით.

29. სახალხო მოსამართლისა ან სახალხო მსაჯულის კანდიდატს შეიძლება კენჭი ეყაროს მხოლოდ ერთ საარჩევნო ოლქში.

30. მშრომელთა დეპუტატების რაიონული ან საქალაქო საბჭოს აღმასრულებელი კომიტეტის უარი სახალხო მოსამართლისა და სახალხო მსაჯულის კანდიდატის რეგისტრაციაში გატარებაზე შეიძლება გასაჩივრებულ იქნას ორ

დღის ვადაში საქართველოს სსრ უმაღლესი საბჭოს პრეზიდიუმში, ხოლო აფხაზეთისა და აჭარის ავტონომიურ რესპუბლიკებსა და სამხრეთ-ოსეთის ავტონომიურ ოლქში — სათანადო ავტონომიური რესპუბლიკის უმაღლესი საბჭოს პრეზიდიუმში, ან ავტონომიური ოლქის მშრომელთა დეპუტატების საოლქო საბჭოს აღმასრულებელ კომიტეტში, რომელთა გადაწყვეტილება საბოლოოა.

31. სახალხო მოსამართლისა და სახალხო მსაჯულის თითოეული რეგისტრირებული კანდიდატის გვარი, სახელი, მამის სახელი, წლოვანება, საქმიანობა, პარტიულობა და კანდიდატის წამომყენებელი საზოგადოებრივი ორგანიზაციის სახელწოდება ქვეყნდება მშრომელთა დეპუტატების რაიონული ან საქალაქო საბჭოს აღმასრულებელი კომიტეტის მიერ არა უგვიანეს 20 დღისა არჩევნებამდე.

32. სახალხო მოსამართლისა და სახალხო მსაჯულის ყველა რეგისტრირებული კანდიდატი აუცილებლად უნდა იქნას შეტანილი საარჩევნო ბიულეტენში.

33. მშრომელთა დეპუტატების რაიონული ან საქალაქო საბჭოს აღმასრულებელი კომიტეტი ვალდებულია არა უგვიანეს 10 დღისა არჩევნებამდე დაუგზავნოს ყველა საარჩევნო პუნქტებს საარჩევნო ბიულეტენები.

34. საარჩევნო ბიულეტენები იბეჭდება სახალხო მოსამართლის არჩევნებისათვის ცალკე და სახალხო მსაჯულთა არჩევნებისათვის ცალკე, თითოეული საარჩევნო ოლქის მიხედვით.

35. საარჩევნო ბიულეტენები იბეჭდება შესაბამისი საარჩევნო ოლქის მოსახლეობის ენაზე იმ რაოდენობით, რომელიც უზრუნველყოფს ყველა ამომრჩეველს.

36. თითოეული ორგანიზაციისათვის, რომელმაც მშრომელთა დეპუტატების რაიონული ან საქალაქო საბჭოს აღმასრულებელ კომიტეტში რეგისტრირებული კანდიდატი წამოაყენა, ისე როგორც თითოეული მოქალაქისათვის, უზრუნველყოფილია უფლება დაუბრკოლებლად გასწიოს აგიტაცია ამ კანდიდატის სასარგებლოდ კრებებზე, პრესაში და სხვა საშუალებით, თანახმად საქართველოს სსრ კონსტიტუციის 138 მუხლისა.

თავი VI

ხმის მიცემის წესი

37. სახალხო სასამართლოების არჩევნები მოხდება ერთ დღეს, რომელიც საერთოა საქართველოს სს რესპუბლიკისათვის.

არჩევნების დღეს აწესებს საქართველოს სსრ უმაღლესი საბჭოს პრეზიდიუმი არა უგვიანეს 45 დღისა არჩევნებამდე.

არჩევნები მოხდება არა სამუშაო დღეს.

38. ამომრჩევლები ხმას აძლევენ არჩევნების დღის დილის 6 საათიდან ღამის 12 საათამდე ადგილობრივი დროით.

39. არჩევნების დღეს დილის 6 საათზე მშრომელთა დეპუტატების რაიონული ან საქალაქო საბჭოს აღმასრულებელი კომიტეტის რწმუნებული საარჩევნო პუნქტში, დამთვლელი კომისიის წევრების თანადასწრებით, ამოწმებს საარჩევნო ყუთებს და დაწესებული ფორმით შედგენილი ამომრჩეველთა სიის

არსებობას, რის შემდეგ ხურავს და ლუქავს ყუთებს და იწვევს ამომრჩეველ ხმის მიცემის დასაწყებად.

40. თითოეული ამომრჩეველი ხმას აძლევს პირადად, რისთვისაც ცხადდება ხმის მიცემისათვის გამოყოფილ შენობაში. ამომრჩეველთა მიერ ხმის მიცემა ხდება საარჩევნო ბიულეტენების ჩაშვებით საარჩევნო ყუთში.

41. საარჩევნო შენობაში გამოიყოფა საგანგებო ოთახები ან მოეწყობა ცალკე კაბინები, რომ ამომრჩეველებმა საარჩევნო ბიულეტენები შეავსონ. ამომრჩეველების მიერ საარჩევნო ბიულეტენებს შევსების დროს ამ ოთახში ან კაბინაში აკრძალულია ვისიმე ყოფნა (მათ შორის აღმასრულებელი კომიტეტის რწმუნებულისა და დამთვლელი კომისიის წევრებისა), გარდა ხმის მიმცემისა.

42. არჩევნების შენობაში ხმის მისაცემად მოსული ამომრჩეველი მშრომელთა დეპუტატების რაიონული ან საქალაქო საბჭოს აღმასრულებელი კომიტეტის რწმუნებულს ან დამთვლელი კომისიის წევრს წარუდგენს ან პასპორტს, ან საკოლმეურნეო წიგნაკს, ან პროფკავშირის ბილეთს, ან პირადობის სხვა მოწმობას და ამომრჩეველთა სიაში მისი შემოწმებისა და იმავე სიაში სათანადო აღნიშვნის შეტანის შემდეგ, ლებულობს საარჩევნო ბიულეტენს სახალხო მოსამართლის ასარჩევად და საარჩევნო ბიულეტენს სახალხო მსაჯულების ასარჩევად.

43. საარჩევნო ბიულეტენების შესავსებად გამოყოფილ ოთახში ამომრჩეველი თითოეულ საარჩევნო ბიულეტენში სტოვებს სახალხო მოსამართლის და სახალხო მსაჯულების იმ კანდიდატების გვარებს, რომლებსაც იგი ხმას აძლევს, დანარჩენების გვარებს შლის. ამის შემდეგ ამომრჩეველი მიდის საარჩევნო ყუთთან და შიგ უშვებს საარჩევნო ბიულეტენებს.

44. ამომრჩეველს, რომელსაც წერა-კითხვის უცოდინარობისა ან რაიმე ფიზიკური ნაკლის გამო არ შეუძლია დამოუკიდებლად შეავსოს საარჩევნო ბიულეტენები, უფლება აქვს მოიწვიოს იმ შენობაში, სადაც საარჩევნო ბიულეტენები იესება, რომელიმე სხვა ამომრჩეველი საარჩევნო ბიულეტენების შესავსებად.

45. საარჩევნო აგიტაცია არჩევნების შენობაში ხმის მიცემის დროს არ შეიძლება.

46. არჩევნების შენობაში წესრიგის დაცვის პასუხისმგებლობა ეკისრება მშრომელთა დეპუტატების რაიონული ან საქალაქო საბჭოს აღმასრულებელი კომიტეტის რწმუნებულს და მისი განკარგულებანი ყველა დამსწრისათვის სავალდებულოა.

47. არჩევნების დღეს, ღამის 12 საათზე მშრომელთა დეპუტატების რაიონული ან საქალაქო საბჭოს აღმასრულებელი კომიტეტის რწმუნებული ხმის მიცემას დამთავრებულად აცხადებს და დამთვლელი კომისია იწყებს საარჩევნო ყუთების გახსნას.

თავი VII

არჩევნების შედეგების გამოცხადება

48. შენობაში, სადაც საარჩევნო პუნქტის მიხედვით ხმებს ითვლიან, ხმების დათვლაზე დასწრების უფლება აქვთ საზოგადოებრივი ორგანიზაციებისა და მშრომელთა საზოგადოებების წარმომადგენლებს, რომლებსაც ეს სპეციალურად ექნებათ დავალებული, აგრეთვე პრესის წარმომადგენლებს.

49. დამთვლელი კომისია ყუთების გახსნის შემდეგ ერთმანეთს ადარებს ყუთებში ჩაშვებული ბიულეტენების რიცხვსა და იმ პირთა რიცხვს, რომლებმაც ამომრჩეველთა სიით მიიღეს ბიულეტენები და შედარების შედეგები შეაქვს ხმის მიცემის ოქმში.

50. გაუქმებულად ითვლება:

ა) დაუწესებელი ნიმუშის ბიულეტენები;

ბ) სახალხო მოსამართლის არჩევნების ბიულეტენები, რომლებშიც ხმის მიცემის დროს დატოვებულია ერთ კანდიდატზე მეტი.

51. მშრომელთა დეპუტატების რაიონული ან საქალაქო საბჭოს აღმასრულებელი კომიტეტის რწმუნებული ადგენს ოქმს სახალხო მოსამართლისა და სახალხო მსაჯულების კანდიდატებისათვის ამ საარჩევნო პუნქტში ხმის მიცემის შესახებ. ოქმს ხელს აწერენ რწმუნებული და დამთვლელი კომისიის ყველა წევრი.

52. საარჩევნო პუნქტში ჩატარებული ხმის მიცემის ოქმში უნდა აღიწეროს:

ა) ხმის მიცემის დაწყებისა და დამთავრების დრო;

ბ) ამომრჩეველების საერთო რიცხვი სიის მიხედვით;

გ) რიცხვი ამომრჩეველებისა, რომლებმაც საარჩევნო ბიულეტენები მიიღეს;

დ) რიცხვი ამომრჩეველებისა, რომლებმაც მონაწილეობა მიიღეს ხმის მიცემაში;

ე) რიცხვი გაუქმებულად ცნობილი ბიულეტენებისა, სახალხო მოსამართლის არჩევნებისა ცალკე და სახალხო მსაჯულთა არჩევნებისა ცალკე;

ვ) რიცხვი ბიულეტენებისა, რომლებშიც წაშლილია ყველა კანდიდატის გვარი, სახალხო მოსამართლის არჩევნებისა ცალკე და სახალხო მსაჯულთა არჩევნებისა ცალკე;

ზ) სახალხო მოსამართლისა და სახალხო მსაჯულების თითოეული კანდიდატის სასარგებლოდ მიცემული ხმების რიცხვი.

53. საარჩევნო პუნქტის ხმის მიცემის ოქმს რწმუნებული დაუყოვნებლივ უგზავნის მშრომელთა დეპუტატების რაიონული ან საქალაქო საბჭოს აღმასრულებელ კომიტეტს.

54. ყველა საარჩევნო ბიულეტენი (ცალკე ნამდვილი და ცალკე გაუქმებულად ცნობილი) უნდა დაილუქოს და შესანახად ჩაბარდეს: ქალაქად — მშრომელთა დეპუტატების საქალაქო საბჭოს აღმასრულებელ კომიტეტს, რაიონებად დაყოფილ ქალაქში — მშრომელთა დეპუტატების რაიონული საბჭოს აღმასრულებელ კომიტეტს, სოფლად — მშრომელთა დეპუტატების რაიონული საბჭოს აღმასრულებელ კომიტეტს.

მშრომელთა დეპუტატების საბჭოს აღმასრულებელ კომიტეტს ევალება შეინახოს საარჩევნო ბიულეტენები 3 თვის განმავლობაში არჩევნების დღიდან.

55. მშრომელთა დეპუტატების რაიონული ან საქალაქო საბჭოების აღმასრულებელ კომიტეტებთან არსებული საოლქო დამთვლელი კომისიები თითოეულ საარჩევნო ოლქში ითვლიან სახალხო მოსამართლისა და სახალხო მსაჯულის თითოეულ კანდიდატზე მიცემულ ხმებს საარჩევნო პუნქტებში წარგზავნილ რწმუნებულთა მიერ წარმოდგენილი ოქმების საფუძველზე.



ხმების დათვლაზე დასწრების უფლება აქვთ საზოგადოებრივი ორგანიზაციებისა და მშრომელთა საზოგადოებების წარმომადგენლებს, რომლებსაც ეს სპეციალურად ექნებათ დავალებული, აგრეთვე პრესის წარმომადგენლებს.

56. სახალხო მოსამართლისა ან სახალხო მსაჯულის კანდიდატი, რომელმაც მიიღო ხმების აბსოლუტური უმრავლესობა, ე. ი. იმ ხმების ნახევარზე მეტი, რომლებიც მიცემულია ოლქში და ცნობილია ნამდვილად, არჩეულად ითვლება.

57. მშრომელთა დეპუტატების რაიონული ან საქალაქო საბჭოს აღმასრულებელ კომიტეტთან არსებული საოლქო დამთვლელი კომისია ადგენს სახალხო მოსამართლისა და სახალხო მსაჯულების კანდიდატებისათვის საარჩევნო ოლქში ჩატარებული ხმის მიცემის ოქმს სამ ცალად, ოქმს ხელს აწერს დამთვლელი კომისიის ყველა წევრი.

58. საარჩევნო ოლქში ჩატარებული ხმის მიცემის ოქმში აღნიშნული უნდა იყოს:


- ა) ამომრჩეველთა საერთო რიცხვი ოლქში;
- ბ) რიცხვი ამომრჩევლებისა, რომლებმაც მიიღეს საარჩევნო ბიულეტენები;
- გ) რიცხვი ამომრჩევლებისა, რომლებმაც მიიღეს მონაწილეობა ხმის მიცემაში;
- დ) გაუქმებულად ცნობილი ბიულეტენებს რიცხვი, სახალხო მოსამართლის არჩევნებისა ცალკე და სახალხო მსაჯულთა არჩევნებისა ცალკე;
- ე) რიცხვი ბიულეტენებისა, რომლებშიც წაშლილია ყველა კანდიდატის ვვარი, სახალხო მოსამართლის არჩევნებისა ცალკე და სახალხო მსაჯულების არჩევნებისა ცალკე;
- ვ) სახალხო მოსამართლისა და სახალხო მსაჯულის თითოეული კანდიდატის სასარგებლოდ მიცემული ხმების რიცხვი.

59. ხმების დათვლის დამთავრების შემდეგ მშრომელთა დეპუტატების რაიონული ან საქალაქო საბჭოს აღმასრულებელი კომიტეტის თავმჯდომარე ვალდებულია გაუგზავნოს თითოეულ საარჩევნო ოლქში ჩატარებული ხმის მიცემის ოქმის ერთი ცალი საქართველოს სსრ უმაღლესი საბჭოს პრეზიდიუმს, ზოლო აფხაზეთისა და აჭარის ავტონომიურ რესპუბლიკებში და სამხრეთ-ოსეთის ავტონომიურ ოლქში — სათანადო ავტონომიური რესპუბლიკის უმაღლესი საბჭოს პრეზიდიუმს ან ავტონომიური ოლქის მშრომელთა დეპუტატების საოლქო საბჭოს აღმასრულებელ კომიტეტს.

ოქმის მეორე ცალი ერთდროულად ეგზავნება საქართველოს სსრ იუსტიციის სამინისტროს, აფხაზეთისა და აჭარის ავტონომიური რესპუბლიკების იუსტიციის სამინისტროებს და სამხრეთ-ოსეთის ავტონომიური ოლქის მშრომელთა დეპუტატების საოლქო საბჭოსთან არსებულ საქართველოს სსრ იუსტიციის სამინისტროს სამმართველოს.

ოქმის მესამე ცალი, სახალხო მოსამართლის არჩევნების მთელ საქმეს წარმოებასთან ერთად, რჩება მშრომელთა დეპუტატების რაიონული ან საქალაქო საბჭოს აღმასრულებელი კომიტეტის საქმეებში.

60. თითოეულ საარჩევნო ოლქში ჩატარებული ხმის მიცემის ოქმის ხელმოწერის შემდეგ მშრომელთა დეპუტატების რაიონული ან საქალაქო საბჭოს აღმასრულებელი კომიტეტის თავმჯდომარე აცხადებს არჩევნების შედეგებს



და აძლევს არჩეულ სახალხო მოსამართლეს და სახალხო მსაჯულებს არჩევს-
მოწმობას, აგრეთვე აძლევს თითოეულ არჩეულ სახალხო მოსამართლეს ამ
სახალხო სასამართლოსათვის არჩეული სახალხო მსაჯულების სიას,
ხელმოწერილ მშრომელთა დეპუტატების საბჭოს აღმასრულებელი კომიტე-
ტის თავმჯდომარისა და მდივნის მიერ.

61. თუ სახალხო მოსამართლის ვერც ერთმა კანდიდატმა საარჩევნო
ოლქში ვერ მიიღო ხმების აბსოლუტური უმრავლესობა, მშრომელთა დეპუ-
ტატების რაიონული ან საქალაქო საბჭოს აღმასრულებელი კომიტეტი დაუ-
ყოვნებლივ აცნობებს ამის შესახებ საქართველოს სსრ უმაღლესი საბჭოს პრე-
ზიდიუმს, ხოლო აფხაზეთისა და აჭარის ავტონომიურ რესპუბლიკებში და სამ-
ხრეთ-ოსეთის ავტონომიურ ოლქში — სათანადო ავტონომიური რესპუბლიკის
უმაღლესა საბჭოს პრეზიდიუმს ან ავტონომიური ოლქის მშრომელთა დეპუ-
ტატების საოლქო საბჭოს აღმასრულებელ კომიტეტს და აცხადებს ხელახალ
კენჭისყრას იმ ორი კანდიდატისათვის, რომლებმაც მიიღეს ყველაზე მეტი
ხმა. ხელახალი კენჭისყრის დღე დაინიშნება არა უგვიანეს ორი კვირის ვადისა
არჩევნების პირველი ტურის შემდეგ.

62. თუ რიცხვი სახალხო მსაჯულების კანდიდატებისა, რომელთაც მიი-
ღეს ხმების აბსოლუტური უმრავლესობა, ნაკლებია ასარჩევი სახალხო მსა-
ჯულების დადგენილ რიცხვზე, მშრომელთა დეპუტატების რაიონული ან სა-
ქალაქო საბჭოს აღმასრულებელი კომიტეტი დაუყოვნებლივ აცნობებს ამის
შესახებ საქართველოს სსრ უმაღლესი საბჭოს პრეზიდიუმს, ხოლო აფხაზეთი-
სა და აჭარის ავტონომიურ რესპუბლიკებში და სამხრეთ-ოსეთის ავტონომიურ
ოლქში — სათანადო ავტონომიური რესპუბლიკის უმაღლესი საბჭოს პრეზი-
დიუმს ან ავტონომიური ოლქის მშრომელთა დეპუტატების საოლქო საბჭოს
აღმასრულებელ კომიტეტს.

საქართველოს სსრ უმაღლესი საბჭოს პრეზიდიუმი, ხოლო აფხაზეთისა
და აჭარის ავტონომიურ რესპუბლიკებში და სამხრეთ-ოსეთის ავტონომიურ
ოლქში — სათანადო ავტონომიური რესპუბლიკის უმაღლესი საბჭოს პრე-
ზიდიუმი ან ავტონომიური ოლქის მშრომელთა დეპუტატების საოლქო საბჭოს
აღმასრულებელი კომიტეტი იძლევა მითითებას ან ხელახალი კენჭისყრის და-
ნიშვნის შესახებ, ან სახალხო მსაჯულთა რიცხვის შესაბამისი შემცირების
შესახებ ამ საარჩევნო ოლქისათვის.

ხელახალი კენჭისყრა, თუ იგი საჭიროდ იქნება ცნობილი, დაინიშნება არა
უგვიანეს ორი კვირისა არჩევნების პირველი ტურის შემდეგ. ხელახლა ეყრება
კენჭი სახალხო მსაჯულთა იმ კანდიდატების საჭირო რიცხვს, რომლებმაც არ-
ჩევნების პირველ ტურში მიიღეს ყველაზე მეტი ხმების რიცხვი.

63. თუ საარჩევნო ოლქში მიცემული ხმების რაოდენობა შეადგენს იმ
ამომრჩეველთა რიცხვის ნახევარზე ნაკლებს, რომელთაც ამ ოლქში ხმის მი-
ცემის უფლება აქვთ, მშრომელთა დეპუტატების რაიონული ან საქალაქო საბ-
ჭოს აღმასრულებელი კომიტეტი დაუყოვნებლივ აცნობებს ამის შესახებ სა-
ქართველოს სსრ უმაღლესი საბჭოს პრეზიდიუმს, ხოლო აფხაზეთისა და აჭა-
რის ავტონომიურ რესპუბლიკებში და სამხრეთ-ოსეთის ავტონომიურ ოლქში
— სათანადო ავტონომიური რესპუბლიკის უმაღლესი საბჭოს პრეზიდიუმს ან
ავტონომიური ოლქის მშრომელთა დეპუტატების საოლქო საბჭოს აღმასრუ-

ლებელ კომიტეტს და ნიშნავს ახალ არჩევნებს არ უგვიანეს ორი კვირის ვადისა პირველი არჩევნების შემდეგ.

64. სახალხო მოსამართლეთა და სახალხო მსაჯულთა კანდიდატებისათვის ხელახალი კენჭისყრა, ისევე როგორც ახალი არჩევნები ნაცვლად არანამდვილ არჩევნებად ცნობილისა, მოხდება ამომრჩეველთა სიებით, რომლებიც შედგენილი იყო პირველი არჩევნებისათვის, და არჩევნების ამ დებულების სრულ შესაბამისად.

65. სახალხო მოსამართლის ვადამდე გასვლის შემთხვევაში (ამომრჩეველთა მიერ უკან გამოწვევა, გარდაცვალება, ხანგრძლივი ავადმყოფობა და სხვ.) სახალხო მოსამართლის ხელახალი არჩევნები მოეწყობა საქართველოს სსრ უმაღლესი საბჭოს პრეზიდიუმის მიერ, ხოლო აფხაზეთისა და აჭარის ავტონომიურ რესპუბლიკებში და სამხრეთ-ოსეთის ავტონომიურ ოლქში — სათანადო ავტონომიური რესპუბლიკის უმაღლესი საბჭოს პრეზიდიუმის ან მშრომელთა დეპუტატების საოლქო საბჭოს აღმასკომის მიერ არა უგვიანეს ორი თვის ვადისა სახალხო მოსამართლის გასვლის დღიდან.

66. თუ სახალხო მსაჯულთა საგრძნობი რიცხვის გასვლის გამო დარჩენილ სახალხო მსაჯულთა რიცხვი არასაკმარისი იქნება ამ სახალხო სასამართლოს ნორმალური მუშაობისათვის, მოეწყობა სახალხო მსაჯულების დამატებითი არჩევნები.

67. ყველა ის პირი, ვინც ძალადობისა, მოტყუებისა, მუქარისა ან მოსყიდვის გზით ხელს შეუშლის საქართველოს სსრ მოქალაქეს თავისუფლად განხორციელოს თავისი უფლება — აირჩიოს და არჩეულ იქნას სახალხო მოსამართლედ და სახალხო მსაჯულად, დაისჯება თავისუფლების აღკვეთით ორ წლამდე.

68. თანამდებობის პირი, რომელიც სიყალბეს შეიტანს დოკუმენტებში ან განზრახ არასწორად დაითვლის ხმებს სახალხო სასამართლოების არჩევნების დროს, დაისჯება თავისუფლების აღკვეთით სამ წლამდე.